

**საჯარო სამართლის იურიდიული პირი -  
ბათუმის შოთა რუსთაველის სახელმწიფო უნივერსიტეტი  
აკადემიური საბჭო**

მისამართი: 6010, ქ. ბათუმი,  
წინოშვილის ქ., №35

ტელ/ფაქსი: (+995 222) 27 17 87  
ელ. ფოსტა: [info@bsu.edu.ge](mailto:info@bsu.edu.ge)

**დ ა დ ბ ე ნ ი ლ ე ბ ა №46**

2016 წლის 11 ივლისი,  
ქ. ბათუმი

**საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის დამოუკიდებელი სამეცნიერო-კვლევითი ერთეულების ბსუ-ს წესდების შესაბამისად საქმიანობის წარმართვისათვის გასატარებელ ღონისძიებათა შესახებ**

„უმაღლესი განათლების შესახებ“ საქართველოს კანონის 21-ემუხლის, 8911-ე მუხლის, „უმაღლესი განათლების შესახებ“ საქართველოს კანონში ცვლილების შეტანის თაობაზე საქართველოს კანონის 2015 წლის 27 ნოემბრის კანონის (გამოქვეყნებული, 10/12/2015, სარეგისტრაციო კოდი 430020000.05.001.018008) მე-6 მუხლის პირველი პუნქტის, „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის წესდების დამტკიცების შესახებ“ საქართველოს განათლებისა და მეცნიერების მინისტრის 2007 წლის 14 ნოემბრის №1106 ბრძანებაში ცვლილების შეტანის თაობაზე“ საქართველოს განათლებისა და მეცნიერების მინისტრის მოვალეობის შემსრულებლის 2016 წლის 14 ივნისის N70/ნ ბრძანების (გამოქვეყნებული - ვებგვერდი, 15/06/2016, სარეგისტრაციო კოდი 040030000.22.022.017144), საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის წესდების მე-8 მუხლის, მე-V<sup>1</sup> თავის, 62<sup>1</sup>-62<sup>5</sup>, 63-ე მუხლების საფუძველზე აკადემიურმა საბჭომ

**და ა დ ბ ე ნ ა:**

1. „უმაღლესი განათლების შესახებ“ საქართველოს კანონში ცვლილების შეტანის თაობაზე 2015 წლის 27 ნოემბრის საქართველოს კანონთან და მის საფუძველზე შემუშავებულ ბსუ-ს წესდებაში 2016 წლის 14 ივნისს შეტანილ ცვლილებებთან ბსუ-ს დამოუკიდებელი სამეცნიერო-კვლევითი ერთეულების საქმიანობის შესაბამისობაში მოყვანის მიზნით გასატარებელი ღონისძიებებისათვის განისაზღვროს შემდეგი ვადები:

ა) ბსუ-ს დამოუკიდებელი სამეცნიერო-კვლევითი ერთეულებში, მთავარი მეცნიერი თანამშრომლებისაგან შემდგარი სამეცნიერო საბჭოების უფლებამოსილება ცნობილი იქნეს 2016 წლის 15 ივლისამდე (წესდების 24<sup>3</sup>-ე მუხლის პირველი პუნქტი);



ბ) შესაბამისი დამოუკიდებელი სამეცნიერო-კვლევითი ერთეულის დებულების დამტკიცებამდე, 2016 წლის 15 ივლისიდან სამეცნიერო საბჭოს უხელმძღვანელოს (თავმჯდომარის მოვალეობა შეასრულოს) ამ საბჭოს წევრთა ხმათა უმრავლესობით არჩეულმა წევრმა (წესდების 24<sup>3</sup>-ე მუხლის მე-4 პუნქტი);

გ) ბსუ-ს დამოუკიდებელი სამეცნიერო-კვლევითი ერთეულების სამეცნიერო საბჭოების უფლებამოსილების ცნობიდან (ჩამოყალიბებიდან) არაუგვიანეს 1 (ერთი) კვირისა, ინსტიტუტებმა წარმოუდგინონ უნივერსიტეტის აკადემიურ საბჭოს შესაბამისი სამეცნიერო-კვლევითი ერთეულების დებულებების პროექტები;

დ) აკადემიურ საბჭოში წარდგენილი ბსუ-ს დამოუკიდებელი სამეცნიერო-კვლევითი ერთეულების დებულებების აკადემიური საბჭოს მიერ განხილვა და წარმომადგენლობითი საბჭოსათვის გადაგზავნა განხორციელდეს არაუგვიანეს 1 (ერთი) კვირისა;

ე) უნივერსიტეტის სამეცნიერო-კვლევითი ერთეულების სამეცნიერო საბჭოებმა სამეცნიერო-კვლევითი ერთეულების დირექტორების კანდიდატურების შესარჩევი კონკურსის „უმაღლესი განათლების შესახებ“ საქართველოს კანონის, ბსუ-ს წესდებისა და სამეცნიერო-კვლევითი ერთეულის დებულების შესაბამისად ჩატარება და შერჩეული კანდიდატურის აკადემიური საბჭოსათვის დასამტკიცებლად წარდგენა უზრუნველყონ არაუგვიანეს 2016 წლის 15 ოქტომბრისა;

ვ) ბსუ-ს დამოუკიდებელი სამეცნიერო-კვლევითი ერთეულების მოქმედი დირექტორების უფლებამოსილება შეწყვეტილი იქნეს ამ ერთეულების დირექტორების თანამდებობებზე სამეცნიერო საბჭოს მიერ შერჩეული კანდიდატურების აკადემიური საბჭოს მიერ დამტკიცებისთანავე.

ზ) უნივერსიტეტში 2015 წლის ივნისში ჩატარებული კონკურსის შედეგად შერჩეული სამეცნიერო პერსონალის ატესტაცია ჩატარდეს 2016 წლის 1 დეკემბრამდე. ატესტაციის:

ზ)<sup>1</sup>. დადებითი შედეგების საფუძველზე უნივერსიტეტის სამეცნიერო თანამდებობის პირებთან შენარჩუნებული იქნეს შრომითი ურთიერთობა მათთან დადებული შრომითი ხელშეკრულებების ვადით;

ზ)<sup>2</sup>. უარყოფითი შედეგების საფუძველზე სამეცნიერო თანამდებობის პირებთან 2016 წლის ბოლოს (2016 წლის 30 დეკემბერი) შეწყდეს შრომითი ურთიერთობა, მიუხედავად იმისა, თუ რა ვადით იყვნენ არჩეული ამ თანამდებობებზე.

თ) სამეცნიერო პერსონალის 2016 წლის 1 დეკემბრამდე ჩასატარებელი ატესტაციის დროებითი წესი აკადემიური საბჭოს მიერ შემუშავდეს და წარმომადგენლობით საბჭოს წარედგინოს დასამტკიცებლად არაუგვიანეს 2016 წლის 15 ოქტომბრისა (ბსუ-ს წესდების 62<sup>5</sup> მუხლის მე-9 პუნქტი).

2. დადგენილება გასაცნობად და აღსასრულებლად დაეგზავნოს ბსუ-ს შესაბამის სტრუქტურულ ერთეულებს.

სტრუქტურული ერთეულებს



3. კონტროლი ამ დადგენილებით განსაზღვრული დონისძიებების შესრულებაზე დაევალოს რექტორის მოადგილეს, ქალბატონ ნათელა წიკლაშვილს.
4. დადგენილება მიღებიდან არაუგვიანეს მე-2 სამუშაო დღისა გამოქვეყნდეს ბსუ-ს ვებგვერდზე.
5. წინამდებარე დადგენილება დაინტერესებული პირის მიერ შეიძლება გასაჩივრდეს ძალაშიშესვლის დღიდან ერთი თვის ვადაში ბათუმის საქალაქო სასამართლოში (ქ. ბათუმი, ს. ზუბალაშვილის ქ. #30).
6. დადგენილება ძალაში შედის ბსუ-ს ვებგვერდზე გამოქვეყნებისთანავე.

აკადემიური საბჭოს სხდომის

თავმჯდომარე, პროფესორი

გურამ ჩაგანავა

გურამ ჩაგანავა

